

آبونه شرائطی
 داخلی، خارجی هر راجون
 سنه لک (۲۵۰)، آتی آلفی
 (۱۳۰) غروشد
 [نسخه سی ۵ غروش،
 سنه لک ۵۲ نسخه در .]
 اداره خانه
 باب عالی جاده سنه دائره مخصوصه
 اخطارات
 آبونه بدلی بشیندر
 مسالکه موافق آثار مع المنوبه
 قبول اولتور درج ایدله بن
 یازیلر اعاده اولونماز .

الکتاب

اخطارات
 آدرس تبدلنده آریجه بش
 فروش کوندر بلیدر .
 مکتوبلرک امضاری واضح
 و اوقوناقلی اولس و آبونه صبره
 نوسرری محتوی بولنسی لازمدر .
 مالک . اجنبیه ایچون آبونه
 اولانلرک آدرس لریک فرانسه
 جهده یازلسی رجا اولتور .
 یاره کوندر لیدی زمان نه به دایر
 اولدیننک واضحاً ییلدی رلی
 رجا اولتور .

دینی، فلسفی، علمی، ادبی هفتلق مجموعه اسلامیهدر

والله یهدی من یشاء الی صراط مستقیم
 باش محرر محمد هاکف
 صاحب ومبیر مشول اشرف اویب
 اتبعون اهدکم سبیل الرشاد

عدد : ۳۸۲ ۸ ربیع الاول ۱۳۳۷ پنجشنبه ۱۲ کانون اول ۱۳۳۴ جلد ۱۵

مولد حضرت نبوی

صلی الله علیه وسلم

اصح اقواله کوره ربیع الاولک اون ایکسندده رسالت عامه صاحبی،
 انبیا ورسلاک خاتمی محمد بن عبدالله بن عبدالمطلب بن هاشم زینتساز
 کهواره وجود اولدی .

جناب رسول، پدرینک وفاتندن ایکی آی صکره طوغدی،
 و دنیایه یتیم و بیوایه اوله رق کلدی . چونکه پدری کزیننه، متاع
 دنیایه عاند بش دوه ایله ام ایمن نامنده کی جاریه حبشیه دن یشه برشی
 بر اقامشدی .

جناب حق رسول کزینی و حدایتک برهان ذی حیاتی، بر عقیده
 جاهلیه نیک شاهد بطلانی یایق ایستوردی :

بخلق طن ایدیورلردی که شو عالم مادی به قدمناهده اولان هر هانکی
 بر مولود پدرینک وصایت و صیاتی، مادرینک دقت و اهتیمی و اولانلرک
 طوبیلا یوب براقدرلی ثروت و سامان سایه سنده غیرت و سعادت
 مظهر اوله بیلیر .

جناب رسالتک عالم وجوده بویله یتیم و بیوایه کلکله قلمادی،
 هنوز آلتی یاشنی اکیال ایتماش بر طفل نوزاد ایکن جناب حق اونی
 والده سنک سینه شفقت و مهربانیندن ده آیردی . اولاجدی عبدالمطلب
 و صکره عموجه سی ابوطالب وصایتی در عهده ایستیلر .

محمد (صلعم) اون اوچنچی سال حیاته رسیده اولونجه تجارت مقصدیه
 شامه کیتمکده اولان عموجه سی ابوطالب، حیاتنده ایملک دفعه اولتق

اوزره جرابرنده یوله چیقارمشدی . بصری موقعه کلنجه راهب «بحیری»
 ابوطالبه برادرزاده سنی مکیه کری کونور مرک نه بودیلردن اهتامکارانه
 بر صورتده حفظ و حمایه ایتمه سنی و اونک ایلروده یک بیوک بر سر کذشتی
 اوله جنغی اخطار ایتمدی . ابوطالبده و صایاسنه امتثالاً یاننده کی
 اشیا ی تجاریه بی اوراده صاتوب صاوه رق مکیه دوندی .

انفوس کریمه سی

جناب حق محمد (صلعم) ی رسالت امر خطیری ایچون حاضر لامق
 و اوکا عربلر آره سنده، بلکه ده بتون ممالک جهانده حکمران اولان
 ضلالت و مفسدتلری اساسندن محو و ازاله ایدمک بر قابلیت
 و استعداد و یرمک ایستدیکی ایچون امر تربیتی بالذات در عهده ایتمدی .
 جناب رسالتک مکتب عرفان الهیده آلدینی مکمل درس ادب ایله
 مصفا، تزیه بر انسان اوله رق میداننه چیقدی . بر صورتده که قرق
 سنه لک بر دوره حیات کچیرمش اولدینی جاهلیت طالنده دامن عفت
 و نزاهتی ذره قدر شایه دار ایدمک بر حالی کورله دی ؛ اک اوفاق
 بر نسجیه غیر مقبوله ایله انصافنه کیمسه شاهد اولمادی .

بالمکس او، بلوغه ایریشدیکی آندن اعتباراً محیط قومیتی ایچنده
 حلم و مروت، صدق و امانت کی سجایای فاضله نیک بر تمثال بدینی
 عدولنغه باشلادی . قومی آره سنده «الامین» عنوان مفخرتی احراز ایتمدی .
 رسول علیه السلام حیاتک جاهلیته طاند قسمنده بیله آمال و
 مشتملیاته امیر اولاماش، عفت و عصمتی محافظه، جناب حقک حلالندن
 احسان ایتمدیکی شیئه رضا و قناعت ایدمک تزیه و علوی بر حیات
 کچیرمشدر .

او زمان ایسه عالم بر عالم ایدی که امتلردن هیچ بری قنای فنا کورمیور ، بر امر منکرئی ایشله مکده محذور تصور ایتیمور ایدی . بو جزیان عمومی ایچنده اونکده سیرورفتاری قرین و معاصر لرینک تلقیات اخلاقیه سنه اویدورمه سنده ، اونلرله هم آهنگ بر حیات تعقیب ایتمه سنده نه باس واردی ؟

فقط او یله اولامازدی . کنیدی درعهده ایده جکی او پرشان و شرف و قدسی وظیفه ایچون یتشدیرمک ایستیان مقدرات فطرت نزیه سنی ، شاعرک دیدیکی کبی ، هر درلو عیب و نقصاندن پاک و مبرا بولندیرمق ایستیوردی :

خلقت مبر امن کل عیب کانه قد خلقت کاتشاء

جناب رسالتاب قر قنچی سال حیاتنده بولنان ام المؤمنین خدیجه ایله عقد ازدواج ایتدی . حرمی طول و برازده کچکین ، کنیدی ایسه هنوز بیکری بش یاشارنده و بناء علیه شبابتک دوره کالنده ، عاقبت و زندکیسی مکمل ، مستثنا بر حسن آنه مالک اولدینی حلاله رفیقه . محترمه سنک مهربتدن اوج سنه اول وقوع ارتحاله قدر اوکا قارشی غایت وفا کار بولندی ؛ حقدنه بسله مکده اولدینی حسن رأفت و صمیمیته ذره قدر خلل کتیرمه دهی .

کنج لکنک الک جراتلی جاغلمندن اختیارلنک بدایتلرینه قدر شهوتک تحکمی آلتنه کیرماش اولان بر ذات فصل اولورده الی یاشنه کیردکن ، فضله اوله رق برده بارکران بعثت ، تکالیف رسالت دوش لیاقتنه یوکلندکن صکره عکسی تمایلاته تسلیم نفس ایدر ؟

جناب خدیجه نیک ارتحالی متعاقب سیرت سنیه محمدیه بی شایه دار کوسترمک املنده بولنانلر نه احمق آدملر ! خدیجه نیک وفاتندن صکره ازواج طاهرانک تعددنده کی سرو حکمتی آکلایه بیله جک قدر هر فان و ذکادن بو آدملرک نصیبی یوقی ؟ طوغریسی بوکی سفسطه لر صاحب لرینک ادراک و اذعانندن هیچ بر بهره لری اولمادیغنک اک باهر برهانیدر . [۱]

رسول علیه السلام او قویوب یازماش برامی ایدی . قرآن کریم اونک بو حالنی بر چوق لرلرنده سرد و بیان ایتدیکی حلاله جی قوبده اعتراض ایدن بر کسه بولمادی .

یالکز بو خصوصده آیات قرآنیه بی اخبار یهودن ، شام سفر لرلنده کوروشدیکی اهل کتاب علماسندن تلقی ایتمش اولدیغنه دائر بر هذیان واردرکه کتاب جلیل اونک ، شوراده فضله سوز سویلکه احتیاج بر اقیه حق صورته ، جوانی و برمشدر .

مع مافیہ بیله مزکه ، حتی دنیانک اک بیوک بر مؤسسه علمیه سنی ، اک بارلاق بر مکتب فلسفه و تشریحی ایکی دفعه زیارته موفق اولان بر انسانک بورالردن آله جنی نصیب فیض و عرفانک درجه سنی نه

[۱] بومطالعاتک اسبابی الکلامی ایچون (الاسلام دین الفطره) نام اثره مراجعت اولولمایدیر .

اوله بیلیر ؟ باخصوص که علیه الصلاة و السلام اقدمزه بو استفاده علمیه بی تأمین ایده جک اولان سیاحتلردن برنجیسی ، کندینک هنوز اون اوج یاشارنده بولندی صره لرده وقوع بولهرق بر قاچ آی قدر قیسه بر مدت دوام ایتمش ، خدیجه نامنه تجارت مقصدیله اجرا ایدیان ایکنجیسنده ایسه فرط مشغولیتی بوکی تشبیلره قطعاً مانع بولنمشدی . رسول کزین اقدمز فکر و رویت اعتباریله بوتون انسانلره فائق اولمغله برابر دائما اظهار تبسم ایدر ، آز سویلر ، حلم و ملامت کوستر ، چوق زمانی ذکر و فکر ایله کچیریر ایدی . احقاق حق خصوصنده یاننده یقین ایله اوزاق ، قوی ایله ضعیف بر ایدی . فقیره فقرندن دولایی حقارت ایتمز ، قارشیسنده بر حکمدارده اولسه حشمت و عظمتنه اهمیت ویرمز ایدی . صبر کوستریر ، خلقی ده مصابریه تشویق ایدر ، تالیفه متایل بولنور ، تفریقدن قورقار ایدی . مغرور و خودکام اولمندن یک اوزاق بولنان ذات رسالتیناهی تواضع و مشورتی پاک سوردی . حق کورونجه دائما اوکا دوزر ، دنیا به قارشیه زهد و عفتی التزام ایار . فقرا و مساکینه آجیر ایدی . کتاب کرمده کی « النبی اولی بالمؤمنین من انفسهم و ازواجه امهاتم » امتیاز علویسنه فرط شفقتی سایه سنده احراز لیاقت ایتمش ایدی .

ایشته جناب حق ، رسول کزینی بویله علوی ، نزیه اخلاق ایله مظهر تکمل ایده رک تبلیغ رسالتنه واسطه اتخاذا ایتمش ، دنیا ده عقباده اک یوکسک پایهلری اونک ذاته تخصیص ایلشدر . اوت ، دنیا ده نصل عالی بر پایه و منزلت اولابیلیرکه بو کون ملوک وامرا اونک هجره معطره سنه عرض خدمتی کندیلاری ایچون اک بیوک بر وسیله فخر و مباهات عد ایدیورلر .

اوتده اک محترم حکمدارلرک ، حشمت و سلطنتلرینک افولیه برابر یاد عظمت و اقبالاری منسوب اولدقلری ملتره یالکز منور فکر لیلرک ، اوده صرف تحصیل بیایه سنده ، حافظه لرلنده بر بولابیلدیکی حالده اوننی کریمک صیت بلند رسالتی آفاق کائنات عالمده هر آن ایچون طنین انداز اولمقده ، نور هدایت و ارشادی کائناتی نورلره فخرک ایتمکده در .

رسول کریم اقدمزک سیرت هایونلری بزى شو حقیقته ارشاد ایدیورکه علو منزلت ، نباهت شان ، حسن صیت ، یاد جمیل کبی شیر فرط ثروت و سامان ایله ، جاه و اقبال ایله ، نفوذ و مکاتله ، ارثی امتیاز لرله ، استبداد ایله ، مکر و خدعه ایله قازانیلیر شیلر دکلدر . چونکه تعیین ایتمش بر حقیقتدرکه دنیا دائما هوسکار اقبالی اولانلرک علمیه دوزر ، منافع خصوصیه قارشیه کوستریان حرص و تمهاک خواصک خانمانی بیقار ، خاک ایله یکسان ایدر . بو ، بویله اولونجه دیمک اولیورکه رسالتاب صلی الله علیه وسلم اقدمزی شاهد عظمت و جلالی اولدیغمز او مقام معلا به اعلا ایدن شی اوکی احوال و مقاصدندن هیچ بری دکلدی . اوکا بو امتیاز فوق الطبیعه بی تأمین ایدن شی یالکز شوحالت ایدی : دنیا کندیته قارشیه

ایمانه ایتمزلر. الله اولنلرک قیلیرینی، قوللرینی منیرلر مشدر، کوزلری اوکنده برده واردر.

رسول علیه السلام بتون انسانلرک، رسالته ایمان ایتملری صولک درجه آرزو ایدر، مسلك هدایتده اثرینه اقتفا و شریعتنه توسل سعادته نائل اوله میانلرک بوبدبختقلری کندیجی جداداغدار ایدر ایددی، بناء علیه قرآن کریمده برچوق آیتلر واردرکه بی رحیم اقدمز بویولده حس ایتدیگی شدت آلامی تسلیت و عینی زمانده اونی شو حقیقته ارشاد ایتمکده در: انسانلر آره سنده شقاوت ابدیهیه محکوم اوله کسه لر واردرکه کونا. کون خطیئات درت اطرافلری صارمش، عناد و مکابره کندیلری مرکز صواب و حقیقتدن اوزاقلاشدیردیجی اوزاقلاشدیرمش اولدیجی ایچون اولره نه وعظ و نصیحت تأثیر ایدر، نهده آیات بینات دیدی انباهلری آچار.

ایشته بویاکی ایت دالمز الی الذین بدلوا نعمه الله کفرآ و احلوا قومهم دارالبوارئ» نظم کریمک دلالت ایتدیگی وجهه قوملرینک کفر و ضلال و ایدیلرنده صابلا نوب قالمه لرینه سبب اولان سر آمدان قریشک حال خذلان و شقاوتلری بیان و تصویر ایتمکده در.

بوسر کرده لرک کافه سی وقعه بدر کبراده خاک هلاک سریشلر، دار جزاده کندیلری بکله ین مال و ماقبلرینه لا ووشمشلردر. قریشک سادات و کبراسی طوبیلاقلری مهم بر قوتله بدزه کی مسلمانلری غافل اولامق مقصدیلر مکدن حرکت ایتمشلردی. ایکی قوت قارشیلانجه مشرکلهر هیچ بر ثبات و مقاومت اثری کوستر مکسزین طریق انزاعی طوتدیلر. مسلمانلر تعقیبلرینه قویولررق ایستدکاری اسیر، ایستدکاری قتل ایتدیلر. عظما قریشدن هو اسملری تعداد ایدم حکمز کسه لرده مقتولین میاننده ایدیلر:

عقبه بن ربیعہ، برادری شیه، ولید بن عقبه، عامر (ابوعینده) ک پدری جراح، امیه بن خلف ایله اوغلی علی، حنظله بن ابی سفیان، ابوجهل، نوفل بن حویلد.

بووقعهده قریشدن یتیم کشی اسیر آلمش و بولردن عقبه بن ابی معیط ایله نصر بن الحارثک، مکده ایکن اسلام و مسلمانلره استهزا خصوصنده پک ایلری کیتمکده اولدقلری ایچون امر بیغمبری ایله بیولری وورلمشدر.

قریشک برر دعامة عز و شوکتی منابه سنده اولان بو آدمملر اولیه آیات، اولیه براهین کورمشلر ایدی که طاشلره کوستر لسه اریر، طاغیر مهابت قطعیتدن لرزه ناک اولور ایدی. فقط ایمان ایتمانلره بویله شیلرک نه تأثیری اوله بیلیر؟

اوست اوسته سنه لر کجدی که رسالتآب صلی الله علیه وسلم اقدمز بو آدمملره حکمت سویلیور، فقط بونک اهلانته ایراث کبر و نخوتدن ماعدا بر تأثیری اولیور: انذار و تخویف صورتیلر بوله کتیرمک

دو کیلوب صاچیلد قجه، محاسن دلفریله کندیجی بکندیرمکه چالیشدیقجه او، دنیایه قارشى بیگانه برطور آلیر، مبرم و ضروری اولان حظوظ و احتیاجاتی استیفا ایتمکله برابر قلبی اونک قید تحکمنه تسلیم ایتمز ایدی. بزده سیرت سنیه نبویه نك بو طرز تظلمرندن استدلال ایدنیورز که دنیایه قارشى زهد و عفت اسباب سمی و عملی تعطیل ایتمک، تکیه لره، خصوصی عبادتخانه لره، چکیلرک، حلالده اولسه، ناز و نعیم دنیان دامن کتن فراغ اولوق دیمک دکدر.

حقیقی زهد، سیرت نبویه نك دلالت ایتدیگی وجهه، دنیا، بشقه هیچ بر شیهه الثفات ایتمه جک درجه، قلبه حاکم بروضعیتده بولندیرماق، بر خدمتکار، بر حیوان حقیقده تطبیق ایتدیجک طرز و اصوله توفیقاً اونی کندینه جلب ایله آمال و مقاصد عالیه نی ترویج و انفاذ خصوصنده خدمت و معاونتدن استفاده ایلمکدر.

خلاصه دنیایه قارشى زهد دیمک اونی کندینه بند ایتمک و دائماً حکم و اراده که رام و منقاد بولندیرمق دیمکدر.

بناء علیه بر مسلمان ایستدیگی کبی دنیانک مناعم و لذاتندن استفاده ایتسون، زینت و زخارفدن دیله دیکی قدر و ایه دار اولسون. یالکز برشیدن، بر و انفاق کبی صلاح و منفعتی کندینه، دینته، وطنه عاند اولان بر سحیة فاضلهیه و داع ایدم جک درجه حظوظ عاجله دنیاویهیه میل و مقنونیتدن حذر ایتسون.

ایفته اسلام دیننده زهدک حقیقی بوندن عبارتدر. مسلمانلر هر خصوصده پیغمبرلرینک قرآن ایله مؤید اولان اخلاق کریمه و سیرت ظاهره سنی رهبر اتخاذ ایتملی، دنیایه قارشى کوستره جکری زهدده اونی عزم و اراده لرینه رام ایتدکن صکره لنداند و تفانس دنیاویهدن استفاده، دینی، منسوب اولدیجی جمعیت مسلمینی تأیید و اصعاد بولنده جمع ثروت یولنی بیان کسه لرک زهد و استغنائریله همیار اوله لیدر.

اسرار قرآن

بِسْمِ اللّٰهِ الرَّحْمٰنِ الرَّحِیْمِ

ان الذین کفروا سواء علیهم انذرتهم ام لم تنذرهم لا یؤمنون
ختم الله علی قلوبهم وعلی سمعهم وعلی ابصارهم غشاوة ولهم
عذاب عظیم

مآل کریمی:

کفری ارتکاب ایدنره، انذار ایتمشک، ایتمشک، برده اولنر